



KEMENTERIAN PERTANIAN DAN KETERJAMINAN MAKANAN

Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.kpk.gov.my

SIARAN MEDIA

MALAYSIA DAN REPUBLIK KOREA MEMPERKUKUH KERJASAMA DALAM BIDANG PERTANIAN BAGI MENJAMIN SUMBER MAKANAN

PUTRAJAYA, 12 MEI 2023 – YB Datuk Seri Haji Mohamad bin Sabu, Menteri Pertanian dan Keterjaminan Makanan (KPKM) telah menerima kunjungan hormat daripada TYT Chung Hwang-Keun, Menteri Pertanian, Makanan dan Hal Ehwal Luar Bandar, Republik Korea pada 12 Mei 2023 di Putrajaya.

Pertemuan ini adalah merupakan pertemuan pertama bagi kedua-dua pemimpin. Republik Korea merupakan rakan dagang Malaysia yang sentiasa bergiat aktif dalam memperkukuhkan hubungan perdagangan pertaniannya. Bagi tempoh 2020 hingga 2022, nilai dagangan pertanian antara kedua-dua negara telah menunjukkan pencapaian yang progresif dan positif di mana mencatat peningkatan sebanyak RM1.0 billion setiap tahun.

Pertemuan kali ini adalah bagi membincangkan usaha kedua-dua negara untuk memperkukuhkan kerjasama dan perdagangan dua hala dalam bidang pertanian selaras dengan keperluan bagi menjamin sumber makanan yang mampan dan berterusan. Kedua-dua negara turut bersetuju untuk mengukuhkan lagi kerjasama dengan mewujudkan Memorandum Persefahaman Kerjasama Pertanian selaras dengan Sambutan Ulangtahun ke-40 Dasar Pandang ke Timur antara Malaysia dan Republik Korea yang diraikan pada tahun ini.

Melalui perjanjian ini, kedua-dua negara bersetuju untuk berkongsi pengetahuan, pengalaman, amalan terbaik dan peluang perniagaan serta cadangan kerjasama dalam bidang keterjaminan makanan dan inovasi teknologi pertanian untuk menangani cabaran sektor pertanian.

Pertemuan antara kedua-dua pemimpin ini turut dihadiri oleh Ketua Setiausaha KPKM dan pegawai-pegawai kanan KPKM serta Ketua Pengarah dan wakil dari Jabatan Perkhidmatan Veterinar, Jabatan Perikanan, Institut Penyelidikan dan Kemajuan Pertanian Malaysia dan Jabatan Pertanian.

KEMENTERIAN PERTANIAN DAN KETERJAMINAN MAKANAN

12 MEI 2023

